



OPĆINSKO VIJEĆE

PRIJEDLOG

Broj: 06/1-31-3102/12
Ilijaš, 15.02.2016. godine

Općinsko vijeće na sjednici održanoj dana _____ 2016. godine rješavajući u predmetu gubitka statusa nepokretnosti u općoj upotrebi, po zahtjevu Stolica Mare rođ. Lazarević zastupane po punomoćniku advokatu Stokić Rajku iz Doboja, na osnovu člana 55. Statuta Općine Ilijaš - prečišćeni tekst ("Službene novine Kantona Sarajevo", br. 20/09), člana 99. Poslovnika o radu Općinskog vijeća Ilijaš ("Službene novine Kantona Sarajevo", br. 2/10, 18/15) i člana 65. stav 3. Zakona o upravnom postupku ("Službene novine Federacije BiH", br. 2/98 i 48/99), donosi

ZAKLJUČAK

Odbacuje se zahtjev Stolica Mare rođ. Lazarević zastupane po punomoćniku advokatu Stokić Rajku iz Doboja za rješavanje pitanja gubitka statusa nepokretnosti u općoj upotrebi- javnog dobra označenog kao k.č.br. 48/2 po kulturi oranica u površini od 357 m², k.č.br. 48/3 po kulturi oranica u površini od 509 m² i k.č.br. 48/4 po kulturi oranica u površini od 180 m² upisanih u Iskaz I zk.ul.br. 84 K.O. SP_Ljubnići kao javno dobro kojim po novom premjeru odgovaraju parcele k.č.br. 1237/1 i 1237/2 upisane u posjedovni list br. 403 K.O. Elešehovići, zbog stvarne nenadležnosti.

O b r a z l o ž e n j e

Stolica Mara rođ. Lazarević zastupana po punomoćniku advokatu Stokić Rajku iz Doboja obratila se Službi za imovinsko pravne poslove, geodetske poslove i katastar Općine Ilijaš sa zahtjevom za rješavanje pitanja gubitka statusa nepokretnosti u općoj upotrebi – javnog dobra zemljišta opisanog u tački 1. dispozitiva ovog zaključka.

U postupku koji je prethodio donošenju ovog zaključka ova Služba održala je usmenu raspravu dana 21.01.2015. godine u prisustvu geodete ove Službe, podnosioca zahtjeva i voditelja postupka, na kojoj je punomoćnik Stolica Mare izjavio da želi prije svega precizirati zahtjev koji je predat 29.10.2012. godine koji je greškom stranke koja je neuka podnesen kao zahtjev za raspravljanje uzupracije, a u konkretnom slučaju navedene parcele koje su predmet ovog postupka su već raspravljene u predmetu br. 08-3/1-171 kada je doneseno rješenje od 05.02.1981. godine i pravnom predniku Stolica Mare priznato pravo svojine na uzurpiranom zemljištu u kojem rješenju su navedene gore pomenute katastarske čestice tako da ovaj postupak ne bi mogao ići u pravcu raspravljanja zaostavštine već u pravcu gubitka statusa nepokretnosti u općoj upotrebi- javnog dobra.



OPĆINSKO VIJEĆE

Dana 08.06.2015. godine punomoćnik Stolica Mare uputio je urgenciju u kojoj je precizirao zahtjev stranke da se u ovom postupku raspravi pitanje gubitka statusa nepokretnosti u općoj upotrebi- javnog dobra.

U toku postupka Općinsko vijeće Općine Ilijaš je utvrdilo da je stvarno nenadležno za rješavanje gubitka statusa nepokretnosti u općoj upotrebi- javnog dobra obzirom da je na osnovu člana 371. Zakona o stvarnim pravima FBiH ("Sl. novine FBiH", br. 66/13, 100/13) tačkom 4. utvrđen prestanak važenja Zakona o prometu nepokretnosti ("Sl. list SRBiH", br. 38/78, 29/80, 4/89, 22/91, 21/92, 13/94) kojim se uređuju uslovi i postupak pod kojim se vrši promet nepokretnosti. U članu 7. stav 4. Zakona o stvarnim pravima FBiH stoji da se posebnim Zakonom uređuje stjecanje svojstva općeg ili javnog dobra kao i prestanak tog svojstva, te način upisa u zemljišne knjige, koji još nije donesen.

Na osnovu svega izloženog odlučeno je kao u dispozitivu ovog rješenja.

Protiv ovog rješenja ne može se izjaviti žalba, ali se može uložiti tužba i pokrenuti Upravni spor kod Kantonalnog suda u Sarajevu u roku od 30 dana od dana prijema ovoga rješenja. Tužba se predaje u dva istovjetna primjerka, a uz istu se prilaže rješenje u originalu ili prepisu taksirana sa 100 KM po Tarifnom broju 23. Zakona o sudskim taksama – prečišćeni tekst ("Službene novine Kantona Sarajevo", broj: 36/14).

Voditelj postupka, Muratović Hamida, dipl.pravnik

DOSTAVLJENO

1. Stokić Rajko,
ul. Svetog Save br. 24 Doboj
2. U spis predmeta

PREDSJEDAVAJUĆI OPĆINSKOG VIJEĆA

Damir Filipović, s.r.